



ՀԱՂՈՐԴԱԳՐՈՒԹՅՈՒՆ

Սույն թվի փետրվարի 10-ին, հինգշաբթի օրը, սրբոց Վարդանանց տոնի առիթով, Ամենայն Հայոց Վեհափառ Հայրապետի բարեհաճ կարգադրությամբ Մայր տաճարում կատարվեց քահանայական ձեռնադրություն:

Հոգևոր ճեմարանի նախկին չորս շրջանավարտ ուսանողներ՝ Դավիթ սարկավազ Դիլանյանը, Հովհաննես սարկավազ Հակոբյանը, Արարատ սարկավազ Գալստյանը և Եղիշե սարկավազ Բաղրամյանը, ձեռնադրությամբ տ. Կոմիտաս եպիսկոպոս Տեր-Ստեփանյանի, արժանացան քահանայական սուրբ աստիճանին՝ վերանվանվելով տ. Վարդան արեղա Դիլանյան, տ. Հովսեփ արեղա Հակոբյան, տ. Մասիս արեղա Գալստյան և տ. Եղիշե քահանա Բաղրամյան:

Նույն օրը, երեկոյան ժամերգությունից հետո, նորընծա երեք արեղաները (Բայր տաճարում, ըստ Մաշտոցի, աղոթքով և օրհնությամբ, ստացան վեղալ:

Այս առթիվ ուրախությամբ արձանագրում ենք նաև, որ 1971 թվի սեպտեմբերին և 1972 թվի փետրվարին կատարվեցին հետևյալ քահանայական ձեռնադրությունները.

Արարատյան թեմում՝ տ. Սարգիս քահանա Թաշճյանի, տ. Բարսեղ քահանա Միրզախանյանի, տ. Մկրտիչ քահանա Ստեփանյանի, տ. Գալուստ քահանա Քեքիկյանի:

Վրահայոց թեմում՝ տ. Տիրայր քահանա Կոնստանյանի, տ. Տաթև քահանա Սաղոյանի, տ. Ծմավոն քահանա Հարությունյանի:

Շիրակի թեմում՝ տ. Վահան քահանա Մարգարյանի:

Բացի այդ, 1971 թվի դեկտեմբերի 25-ին, սուրբ Ստեփանոսի տոնի օրը, սարկավազ ձեռնադրվեցին հոգևոր ճեմարանի Բ լսարանի հինգ ուսանողներ՝ Վրեժ Նաջարյանը, Նորայր Ավագյանը, Հակոբ Խաչատրյանը, Սամվել Դեմոսյանը և Ավետիք Արաքաջյանը:

ԴԻՎԱՆՆ ՄԱՅՐ ԱԹՈՐԻ

15-ը փետրվարի 1972 թ.,

Ա. Էջմիածին